



SEDIRIŠWA SA TEKOLO YA KOTSI YEO E LEBANEGO BATŠWASEHLABELO BA DIKGARURU TŠA LAPA

Sedirišwa se sa Tekolo ya Kotsi se šomišwa kudu ke batšwasehlabele ba dikgaruru tše šoro le baratani ba bona. Maikemišetšo a sona ke go ba thuša go lekola kotsi/kgobalo yeo ba ka lebanago le yona ka go tšwela pele go kgokagana le batlaiši ba bona. Ke sedirišwa seo se nyakago go maatlafatša batšwasehlabele gore ba dire diphetho tšeo di nepagilego mabapi le gore ba tšwe goba ba se tšwe ka gare ga kamano ya baratani bjalo ka mokgwa wa go itšhireletša go tšwa go tšaišo/kgobalo yeo e ka hlolago polao ya tšaišo goba lehu leo le sa letelwago.

SEŠUPO SA KOTSI	EE	AOWA
1. Naa moratiwa wa gago o kile a tšhošetša go bolaya/gobatša wena goba ba lapa la gago?		
2. Naa moratiwa wa gago o kile a go tšhošetša goba a go tšhasela goba ba lapa la gago, goba a rulaganya gore motho yo mongwe a dire seo, ka mokgwa wa go šomiša mmele wa gagwe goba ka sebetša goba sedirišwa sa kotsi (mohl. mphaka, poto, sethunya, bj.bj.)?		
3. Naa moratiwa wa gago o kile a gobatša goba a bolaya motho wa leloko le/goba seruiwa sa ka gae goba a tšhošetša go dira bjalo?		
4. Naa o tšhoga gore moratiwa wa gago a ka gobatša ngwana yo a sa lego ka mpeng goba bana bao ba dulago le wena?		
5. Naa moratiwa wa gago o kile a ahlololwa go tshela ditaelo tša lengwalotaelo la tšhireletšo?		
6. Naa moratiwa wa gago o phela a go roga, a go ntšha seriti, a go nyatša goba go go bea phošo go mathata ka moka a gagwe go go hlokoletša maikutlo?		
7. Naa moratiwa wa gago o dula a go šetše morago goba a go tšaiša ka boyena, go matlakaleng a inthanete a setšhaba, goba ka molaetša wa sellathekeng goba emeile goba a rulaganya gore motho yo mongwe a go šale morago goba a lebelele mesepelo ya gago?		
8. Naa moratiwa wa gago o kile a senya thoto ya gago mohl. go ntšha moya wa mataere a koloi goba go thuba mafasetere goba mabati bj.bj.?		
9. Naa moratiwa wa gago o kile a go gapeletša go tšenela tša thobalano goba a go gapeletša go dira tiro ye nngwe le ye nngwe ya thobalano ntle le tumelelo ya gago?		
10. Naa moratiwa wa gago o laola tšhomišo ya tšhelete ya gago goba o tšea tšhelete ya gago ntle le tumelelo goba a gana gore o šome goba o itirele letseno?		
11. Naa moratiwa wa gago o na le sethunya goba se sengwe le se sengwe sa sebetša se kotsi?		
12. Naa moratiwa wa gago o na le bothata bja tšhomišompe ya diokobatši tša go swana le bjalo goba diokobatši goba diokobatši tšeo di fiwago ke ngaka tšeo di nago le goba di ka hlolago maitshwaro a gagwe a šoro?		
13. Naa moratiwa wa gago o na le lehufa go wena, o bontšha maitshwaro a boganka goba o a go laola?		
14. Naa moratiwa wa gago o tšwele ka beile goba ka parola, goba o ile a fetša nako a le kgolegong goba a se kgale a ntšhitšwe kgolegong ka lebaka la go tloa molao wo o amanago le dikgaruru?		
15. Naa dikgaruru goba maitshwaro a go laola a befa go tšwela pele?		
Palomoka ya dišupo		

Ge e ba o motšwasehlabele wa dikgaruru tša lapa, o hlohleletšwa go araba dipotšišo tšeo di latelago ka botšhepegi. Ge o ka araba ka go re EE go ye nngwe le ye nngwe ya dipotšišo o kotsing ya dikgaruru tšeo di tlo tšwelago pele goba go itemogela polao/lehu leo le hlotšego ke dikgaruru. O SE KE WA SENYA NAKO. Tšea kgato lehono gomme o bege tšaišo go seteišeneng sa kgauswi sa maphodisa. O ka ya gape go kgorotshoko ya moagiseterata wa selete go dira dikgopelo tša lengwalotaelo la tšhireletšo go ya ka molao wa Domestic Violence Act 116 of 1998.

Lefapalegolo: Tšwešopele ya Ditokelo tša Dihlopha tša Bahlokatšhireletšo.

Mogala: (012) 315 1111 | Fekese: (012) 315 1851 | <http://www.justice.gov.za>



the doj & cd

Department:
Justice and Constitutional Development
REPUBLIC OF SOUTH AFRICA